



თქრთს ჰურძი

0.26

ლიტერატურა,
ხელოვნება,
პროზა.

2118

კვირა
30 ივნისი.

1913
წ
წიგნი

ფასი 10 კ.

№ 5.



ზ ი ნ ა ა რ ს ი

გრ. რობაქიძე: ფიორდების ასულს.

პ. იაშვილი: მეორეს.

გელა: ფრფათა რხევა.

პოემიდან „ორი რაინდი“ კ. აბაშის პირველი.

დე-ლილ-ადანი—და ნატალია.

შალვა დადიანი--ტყვე.

ჩვენი ხელოვნება

ქრონიკა.

ბარათები.

4. ფიორდების ასულს.

მე შორეული ვარ: არ ვიცი არც დღე და არც ღამე ჩემი მოვლენის; ლანდათ მახსოვს მხოლოდ, რომ დაბადების ჟამს ლურჯა ცას ვარსკვლავი მოსწყდა და სადღაც შთაინთქა მშვენიერი; ვინ იყო იგი, არ ვიცი: შეიძლება—შენ, რომელსაც დაგეძებ მარადის.

ქვეყანა ჩემით არ დაწყებულა, მაგრამ უჩემოთ არ გათავდება; საუკუნე საუკუნესა სცვლის, იმსხვრევა ძველი ქვეყანა და იბადება ახალი; მეც ვქრები მრავალჯერ ბნელეთში, მაგრამ მზის განახლებაში ვიშვი ხელმეორეთ; და დაგეძებ მუდამ ჟამს მხოლოდ შენ მშვენიერო.

აი ეხლაც, როგორც ათასი წლის წინათ, გელი შენ, როცა ღამე ჰქრება და დღეს კიდევ არ გაუხსნია თვალი.

იშლება ალიონი ნელინელ; ცისკარი კიდევ ახლავს მიფარეს, მაგრამ ფერმკრთალს მალე მოსცილდება; სქელი ლურჯი ნისლი მძიმედ გადასწოლია შავსა და ნელს მდინარეს; სდუმს ყოველი, ოდნავ ისმის მხოლოდ მისი ნელი თვლენა; ლურჯს თვალსა ხსნის ალიონი: ეს ლოდინია მზის ამოსვლის, ეს ლურჯი სურვილია მზით დათრობისა.

და აჰა, ვხედავ ჩემს ოცნებას ნეტარი გაოცებით: სქელი ნისლი იშლება უცნაურად და მის ლურჯ ქულაში ოდნავ ისახება შენი ღვთიური სხეული.

შენ ყვავილი ხარ, ჩემი ლეგენდის ყვავილი, მდინარის გულით რომ ამოზრდილა; მოგრძო ღერო, წყალში რომაა ჩაძირული, შენს მოქნილ ტანად იზრდება; თოვლივით თეთრი გული ყვავილისა შენს ფიქალ მკერდათ იშლება; მწვანე თასი, რომელშიაც იგი მოქცეულა, გარს გეხვევა სხივნარო ქსოვილად; და იშლება ნელინელ მატყვევებელი.

შენ ქალწული ხარ, ვით ყვავილი იგი, მაგრამ შენი თეთრი ტანი ვნებით ირხევა; როცა

სთვლემდი ერთს დროს ნიბიერი, მზე დაგმზერდა თავს მოპარებული: სხივი მისი ტრფილით გადმოეშვა შენს ყლორტში და წამსავე შეირხა შენი ქალწულობა; მას შემდგომ ყოველს ალიონს წყლიდან ამოტურდები და გახსნილი გულით ელი ტყვე-მქნელსა.

ლურჯი ნისლი ციალობს შენს თვალებში ვით გაღვიძებული სურვილი და შენი მკერდიც სუნთქავს ლოდინით.

გიმზერ შორი-ახლო და ვიწვი ცეცხლით; ჩემს სურვილს მრავალფერ ალად გახვევ ტანს და ვცდილობ ლურჯს ნისლში ამოვსქრა იმა ალიონ მარადი სახე შენი: მე ვიცი ცეცხლის ენა და მისი სიტყვით ვკითხულობ შენს თვალებში სიყვარულსა.

მაგრამ, რად ახლავს შენს თვალებს მძიმე სევდა? შენ გრძნობ, რომ მე მზის ნატეხი ვარ მხოლოდ, — და შენც ლოდინი ხარ მარტო და არა ასრულებს; ცისკარი რომ მთვარეს მოსწყდება, შენ, ნისლში გახვეული, უეცრად გაჰქრები.

მარადი ქალწული! ასეთი გიხილე ათასი წლის წინანდ; ახლაც ასეთი შემხვედი უცნაურო და ლამაზო. საცაა, ალიონი ლურჯს ფრთებს დაიბერტყს და შენც მას გაჰყვები საუკუნოთ;

მე მხოლოდ ნაღვლს გაგაყოლებ თან და ვიწყებ ძებნას შენსას მშვენიერო და ვიცოცხლებ შენი შეხვედრისათვის მხოლოდ.

მე ვიწვი ცეცხლით და ფერფლის არ მეშინია; მზის განახლებაში მეც ვიშვი ხელახლა იმავ სურვილით; გადავლახავ საუკუნოებს და გიხილავ კიდევ.

მაგრამ, როდის ვიხილავ შენთან ერთად მზის ამოსვლას, ჩემო ყვავილო? როდის გამოვკვეთ შენს ნისლოვან ტანს მზის ტალღებში, ჩემო მშვენიერო?

ქიქოლო ჩოიბაძე

ხუთშაბათი. ღამე.

პ. იაშვილი

მეორეს.

ჩვენ სუყველას დავსცილდებით
 ველის ვარდებს მივაშურებთ,
 ჩვენ ამ ნადიმს რას დავეძებთ
 სხვების ლხენას რას ვუყურებთ?

ჩვენთვის ლხენა გაუმართავს
 ყვავილებით ნაქარგ მდელოს,
 მაშ წავიდეთ! ნულარ უცდი,
 ნულარ უცდი სადღეგრძელოს.
 ვარდი ამბობს: - ჩემთან მოვლენ —
 ისამანს გული სტკივა
 შროშანა პირს ილამაზებს,
 ბალახს ლხენით კრემლისცვივა,
 ყველას ვნახავთ! დავსწავლით
 თუ რა არის ტრფობის წესი,
 მე მსურს ყველამ გაიგონოს
 შეყვარებულ მგონის ლექსი.

მზე მოკვდება ერთის წუთით,
 ერთის წუთით დაიძინებს —
 ნაცვლად ვარსკვლავს გამოგზავნის:
 ის ცის ფსკერზე გაიცინებს,
 ამ ღროს კოცნით ღაწვს დაგიწვავ.
 გადაგაქცევ მზიან ვნებათ;
 უხმოთ წავალთ წყლის ნაპირას:
 მყუდრო ბინის მისაგნებათ.

და რაც რომ ჩემს სიჭაბუკეს
 შერჩენია კიდევ ვნება
 შენს თეთრ სხეულს ჩემო სატრფო
 ცეცხლის ალათ მოედება...

ჩვენ სუყველას დავსცილდებით
 ველის ვარდებს მივაშურებთ
 ჩვენ ამ ნადიმს რას დავეძებთ,
 ჩვენ ამ ლხენას რას ვუყურებთ?

კვირა. შუადღე.

ფრთათა რხევა

გ ე ლ ა.

სიყვარული კვლავ იცინის, კვლავ ეღვარება მახე გულის,
შვენების და ტრფობის ღმერთმა დღით გადასცა ტახტი ზაჯულს;—
ცელქი სახე კვლავ ნარნარებს სხივთ დიადი ზაიგულის,
შვების ღიმი დაქათათებს ატოკებულ დღის ნაკადულს:

ნათელ სხივით მოსილ წალკოტს
დასთამაშებს ჰანგი მგონის,
სიხარული ფრთებს ისწორებს,
სიყვარული ყვავილს კოცნის!..

მნათობთ მეფის ოქროს თვალი ველს დაეცა ნამით მორწყულს —
მარგალიტის თეთრ მარცვლებით სანეტაროდ ფრთებ მოქარგულს,
მე თეარ გუმბათს ვეამბორე-ცამდი ტაძრის აღმართულის,
ძღვეის ხმები გულს ჩაიკარ დატყვევებულ სიყვარულის,
მინდა გულის მეგობარი მოვიწოდო ნეტარ ხმებზე,
სისხლის ცრემლი გადავბანო, დანადენი მისს ლოყებზე!..

ნათელ სხივით მოსილ წალკოტს
დასთამაშებს ჰანგი მგონის,
სიხარული ფრთებს ისწორებს,
სიყვარული ყვავილს კოცნის!

ნაწყვეტი პოემიდან „ორი რაინდი“ (ლეგენდა).

კარი ჰირველი.

- პირველი ხმა.** ჰეი ვინ ხარ სიბნელეში
იქ ბილიკზე რო დამდგარხარ?
ცხენიან კაცს გზა მიტოო
ნუ თუ ამას ვერ მიმხედარხარ?
- მეორე ხმა.** ჩუ, სიმღერას ყურს უგდებდი,
ადგილით ვერ დავიძარი.
მე გახლავარ მონადირე
დაქრილ შველის მამებარი,
ჰე უცნობო შენიც მითხარი
ან სახელი და ან გვარი.
- პირველი ხმა.** მე სახელათ მზე ჰაბუკსა
შინ და გარეთ მეძახიან.
ნადირობა ვის სმენია,
სიბნელეში ასე გვიან?
- მონადირე.** მეფის შვილო! ეს შენა ხარ
ვისც მსახურობს ეს ქვეყანა?
უამალოთ მწირ ადგილას
ტყეში აქ ვინ მოგიყენა.
მაპატიე რომ ბნელაში
აგრე რო ვერ ვაგარჩიე...
- მზე ჰაბუკი.** მე აქეთკენ მარტოთ მარტო
დაქრილ შველსა გამოვსდიე.
შენ ეს მითხარ რა ფერია,
შენ რო შველი დავიქრია,
ნიშანი რამ ან გულ-მკერდზე,
ან თედოზე თუ ატყვია?
- მონადირე.** შველი იგი მეფის შვილო
მე შემომხვდა აქ ეწერზე
თეთრ კიოპსა თვალი მოვკარ
ასე ვგონებ ქონდა მკერდზე—
მაგრამ იგი მე სრულიათ
შემეფეთა აქ შემთხვევით.
კარავისკენ მივდიოდი
ზღვის პირს რო დგას
ტყისა ქვევით.
მივდიოდი და საჯოხეს ჯიბის დანით
რასმეს ვთლიოდი.
მშვილდ ისარი ხელთ არ მქონდა
და მშველს ეგრე ვით დავჭრიდი?
ძლივს მორბოდა, შემდეგ ვნახე
მოლზე სისხლი დაეწვეთა
აღბათ შენი დაქრილია
მე რო შველი შემეფეთა.
- მზე ჰაბუკი.** მაშ ის არი?...
სუ, რა ხმაა ზღვის პირიდან რო მოისმის?.
- სიმღერა.** ცაზე ვარსკვლავს რა ახარებს
ფირუზ თაღზე რო ციმციმებს,
ღრუბლის ქულას ვინ ატარებს?
ეოლოსის კითხე სიმებს.
როს ღრუბელი მოყიალე

(კომენტარი) "ილია" მკონ იტინსკი

მზე ჭაბუკი.

სიხარულის ცრემლს აწვიმებს,
ძირს ნარგვიზი თავს ხრის მაშინ
ვერცხლის ცვარიც მას ამძიმებს,
ბროლის ცრემლით ევედრება
ის ეოლის მკენესარ სიმებს.
ვარსკვლავია ცის მშვენება
ყვავილი კი, ნორჩ მდღლოსი
ყვავილთ შორის შვამავალი
შიკრიკია ეოლოსი.

„ვარსკვლავი ცის მშვენებაა“
ეს მყინვარე ვინ დასწერა!
ყვავილები მოლს ამკობდენ
და მიწას კი ქალეთერა.

მიწის შვილთა, თუ ისმინონ,
გულს დაუკოდთ ეს სიმღერა.
სუ, ვინ მღერის ჟამს მწუხრისას
ეს ვინ უვლის ფერხულს ველად?
აღბათ ვინმე მეფის ქალი
ბანაობდა უეჭველათ.

ქალწულ ქალთა ეს ამაღა
თანაც ახლდა მას მომვლელად
შეხე წინათ რა შო“ს იყვენ
გაარჩევდა კაცი ძნელად;
ახლა კი, ვსჭერეტ თეთრ სამოსზე
გიშრის დალაღთ დაყრილთ ველად.

მონადირე.

ეს სიმღერაც გულში მწვდება
ხან საამოთ, ხან დამწველათ.

მეც მაგ ხმებმა მეფის შვილო
მომხიბლა და გამიტაცა
სულ აქ ვდგავარ მე მას შემდეგ
მწუხრის ბინდმა მორთორა ცა.

მზე ჭაბუკი.

შენ ბილიკით ჩამოდექი
ამ ფერდობით ჩავალ ველად
ვნახავ იმათ, ვინც ზღვის პირზე
იქ მღერიან სანუკველად.

მონადირე.

მეფის შვილო მაგას ნუ იქმთ,
თავი ნუ გაქვთ გასაწირად!
ჩვენი ერი შენ გსასაოგბს
თავი შენი უღირს ძვირად.
ბანოვანთა იგი გუნდი
მოცეკვავე ზღვის ნაპირად —
აქვენ რო ვილაც მეფის ქალის
ამაღობა მიაწერეთ,

მზე ჭაბუკი.

ნამდვილათ კი ზღვის ფერიებს
ვხედავთ ჩვენ წინ დამიჯერეთ!

მონადირე

მსურს წავიდე, უნდა ვნახო...
მეშინია არ შეგემთხუკეთ
ხიფათი რამ სავაგლახო.

მზე ჭაბუკი.

ხმალ კაპარქი წელს არა მაქვს
ან სამისო რა იქნება
მსურს წავიდე — დე ასრულდეს
განგებისა იგი ნება!

მონადირე.

მეფის შვილო თან გიახლო
თუ მარტო გსურს ვით ამბობდი.

მზე ჭაბუკი. ნება შენი ძალს არ გატან
გინდ ღარჩი და გინდ წამოდი.
მონადირე. გეახლები.

ფერების ფერხულს რა მოუხსლოვდებიან—იგი ორ წებათ იყოფა.

ერთი ფერია იწებებს, სხვა აყუბა.

ჰე ჭაბუკო დაქრილ ნადირს
სანამ გინდა სდიო,
იო, იო—
მზევ შინ შემოდიო.
განთიადზე ტყეთ მომავალს
გზაზე შემოგვხდიო.
იო, იო,
მზევ შინ შემოდიო.
ჩემი ხელით ეგ კულული
უნდა შეგირხიო--
ზამბახების თაიგული
მკერდზე დაგაბნო...
იო, იო,
მზევ შინ შემოდიო.

ასლა შეორე წებებს იწებებს.

ქალ ეთერა
შენ წახვედი
მე მით დავობლდიო.
დაისერა
ჩვენი ბედი
მოსთქვამს მინდერის სიო...
იო, იო,
მზევ შინ შემოდიო.
მზევ ზღვის წიაღს ჩაძირულო
ისევ ამოდიო.
მზევ ქვეყნისთვის ბნელს ჩანთქმულო
ისევ ამოდიო.
მე ამ ქვეყნის სტუმარი ვარ
მუდამ ამბობდიო
იო, იო,
მზევ შინ შემოდიო.

მონადირე. მეფის შვილო შიგ ნუ შევალთ,
ეს ბინაა ვგონებ მათი.
ხელაე მქედელს, მოხუც ქინკას,
მეფის შვილო რამ ხიფათი
ამ ავ სულმა არ მოგვწიოს...

მზე ჭაბუკი რას გაბედავს, ბებრუცუნას
გავამგზავრებ საიქიოს!..

მქედელი. ბერი ქინკა კერასთან ზის
სტუმრებს ერჩის იგი არას.
მაქო დარბის და ბზიალი
გესმით გააქვს თითის ტარას.
ბერი ქინკა ხმას არ იღებს
ატრიალებს თავის ჯარს.

ერთი ფერია. —საფეიქრო რათ დასტოვე
დათავება უნდა საქსოვს.
მდუმარედ ზის, ყურს არ ესმის
არას ფეიქრობს, არა ახსოვს.

მეორე ფერია. უმაღლ ტალღა გაქვევდება
ქვიშის თოკით ქარს შეკოქავ ,
უმაღლ მთვარე აშავდება
ციტ ვარსკვლავებს ჩამობოქავ,
უმაღლ კლდის კუზს ჩამორეცხავს
და ჩამოქნის ზღვისა ქველი,
ვიღრე ხეპრე ბებრუცუნას,
მოარჯულებ, ქკვას ასწავლი.

მზე კაბუკი. აქ რათ უნდათ კედლის სარკე,
ან კუთხეში ძვლების ყორე?

მონადირე. სამქედლოა, საფეიქრო?...
ღმერთო ხიფათს აგვაშორე.

ფერია. ეს ქინკების სამყოფია,
არც ერთია, არც მეორე.

მქედელი. აქ ისმენენ გაუგონელს,
აქ წონიან აუწონელს...
აქ ხვრეტავენ თვალით კედელს.
ბერი ქინკა, ჯარას უზის
მე კი ვქედავ გაუქედელს..
ბერი ქინკა ჯარას უზის
ნაღვლიანათ თანაც მღერის:
როს ზღვას სძინავს. ნაპირი სთვლემს
ხმა შესწყდება ვერცხლის ჩქერის..
ოდეს მთვარის ანარეკლი
ვით დალაღნი ქალ ეთერის
ზღვას ეხვევა გარს ლეჩაქათ,
მაშინ კუნძულს, შუქზე მთვარის,
შორით რა სჩანს მცირე ლაქათ.
უცხო ლანდი რამ ეწვევა
და საღ კლდიდან გადმომდგარის
ხმა გარემოს მოერხვევა:
წყეულ იყავ ვინც დუმილი
ჩემს გარშემო დაამყარე.
მუნჯ სიჩუმით ჯადო ქმნილი
დააძინე ირგვლივ არე.
წყეულ იყავ. რადგან ამით
ჩემში სევდა გააღვიტე.
წყეულ იყავ-ჯავრ ვარამით
ვინც დატვირთე ადამის ძე.
წყეულ იყავ ვის ჩემ სულში
ეპვის გველი ჩამისახავს,
დე, მსოფლიოს ბნელ უფსკრულში,
მიწა ნათელს ნულარ ნახავს.
ცხოვრების ხეს წყევლომ ჩემმა
ყოფნის კვირტი შეაყინოს.
არსებობის მაჯის ცემა,
ვით ზღვის ტალღა მიაძინოს
შექმნილი და შემომქმედი
ამიერით წყეულ იყოს
დე მურტალი კაცის ბედი
ყრუ ნაპირზე გაირიყოს.

არსაით ხმა. ფერმიმკრთალი
 კმუნავს მთვარე — ზღვას კვლავ სძინავს...
 და იმ ხმაზე წამომფრთხალი
 მეთოლია შორს მიფრინავს.
 აჩრდილი კი, ზის მდუმარედ
 საღ ნაპირზე ფეხმორთხმული,
 და კუნძულიც სთვლემს მარტოკა
 ტალღათ ლაშქრით შემორტყმული.

კ. აბაშისპირელი.

და ნატალია.

ვ. დე-ლილ-ადანი.

ანდალუზიაში, მთის შარა-გზის ნაპირათ იყო
 ფრანკისკანების მონასტერი. სხვა მონასტერ-
 თა შორის, რომელიც მის გარშემო იყო აშე-
 ნებული, ეს მონასტერი ყველაზე უფრო პატივ-
 ცემული იყო: მის წმინდანთ ითვლებოდა უზარმა-
 ზარი ჯვარი, საიდანაც დღეში ორჯერ ირეკებოდა
 ზარი. მონასტრის ახლოს, დიდ გზაზე, იდგა პატა-
 რა საჯვარე, რომლის კარები არაოდეს არ იხურე-
 ბოდა. გარშემო იშლებოდა აყვავებული მიდამო;
 მწვანეთ ბრწყინავდა ბალახი, დამატობელ სუნს
 აკმევდა ხეები; თეთრათ მოჩანდა მტვერიანი გზა;
 ყველგან სიჩუმე და სიკარილე იყო.

ერთხელ, შემოდგომის საღამოს საჯვარეში
 მუხლებზე იდგა, მონაზონის ტანსაცმელში, ახალ-
 გაზდა ქალი, ნაზ და დამატობელ სილამაზით. ის
 იდგა სვეტში გამოკვეთილ მაცხოვრის წინ; ჭერზე
 დაკიდებული სანათი ანათებდა მადონას, ყოველი
 სიკეთის მომნიჭებელს, რომელსაც მიეზნიდა თვალე-
 ბი და აღეპყრო ხელები.

გზიდან, ფეროვან მინით ჩაჯენილ ფანჯარაში
 მოისმოდა სერენადის ტბილი ჰანგი, კორღუანელ
 მანდალინის აკომპანიმენტით. ტბილი სიტყვები,
 ვნებითა და ჭაბუკურ გატაცებით აღსავსე — აღწევდა
 მუხლ მოდრეკილ მონაზონ და ნატალიას სმენამ-
 დი. და თავდახრილი მადონას დაქდობილ ხედებ-
 ზე, სასოწარკვეთილი ჩურჩულებდა:

— მპყრობელო, შენ ხედავ, მე ვტირი და
 შეგთხოვ ნუ მომაკლებ შენს მოწყალებას; მოქან-
 ცული სულით და ხორციით, მივდივარ აქედან და
 თან მიმაქვს ჩემს სულში შენი წმიდა სახე. წმიდაო
 ქალწულო, შეიბრალებ ის, რომელიც მიწიერ სიყვა-

რულისათვის სტოვებს წმიდათა სამთავროს. გესმის
 შენ ეს ხმა: ის მაფიცებს მე უსაზღვრო ერთგულო-
 ბას! თუ არ გავეხმაურე მას — მაშინ მოკვდება, და
 განა უნდა უარყო მე სიყვარული ჩუმი და მრავა-
 ლი წლის განმავლობაში უიმედოთ მყოფი?!

განა არ უნდა ვანუგეშო ის, ვინც მიყვარს
 ასე ძლიერათ! მაპატიე წმიდაო ქალწულო: ხომ-
 იცი რომ შენ მიყვარხარ და რომ ყოველ საღამოს
 მოვდივარ აქ, რო გვედრო შენ. ესლა კი მეღევა ძალი.
 სუნთქვა მიკავდება... ეს ხმა... ის მეძახის... მშვი-
 დობით, მშვიდობით!

და ნატალია ადგა, წაბორძიკდა, ვერ გაებედა
 თვალების აწევა, მიდგა კლიტე და ზეწარი მადონას
 ფეხითთ, რომლის ნათელ სახეს და ნატალიასავით
 მიეზნიდა თვალეები და რომელსაც სახეზე სხივი და-
 თამაშებდა.

სვეტებს დანდობილი ის მივიდა კარებთან და
 წუთიერ ყოყმანის შემდეგ გააღო; ჩავიდა კიბით და
 გავიდა გზაზე, რომელსაც ანათებდა სავსე მთვარე.

— ეჟან! — დაიძახა მან.

მის ძახილზე გაჩნდა მხედარი, ახალგაზდა რა-
 ინდი არწივისებურ სახით და სიხარულით სავსე;
 ჩამოხტა ცხენიდან და გახვია თავის მოსასხამში ის,
 რომელიც როგორც იქნა მოვიდა.

— ნატალია! — ძლივს წარმოსთქვა მხედარმა.

შეიჯინა თუ არა ცხენზე, მაგრათ მიიკრა
 მკერდზე და გაექანა კოშკისკენ, რომლის თავი ბუნ-
 დოვანათ მოსჩანდა მკრთალ მთვარიან ღამეში.

* *

ნახევარი წელი გავიდა ნეტარებაში, სიყვარულ-
 ში, ფლორენციის, რომის და ვენეციის დათვალეი-
 რებაში.

ვაჟი სიხარულით ავსებულებოდა, ქალი კი ხში-
 რათ ფიქრებს ეძლეოდა: გიჟური და ვნებით სავსე
 იყო მისი მათაყვანებელის აღფრისი, მაგრამ ამას კი
 არ ელოდა ქალი თავის უცოდველ არსებაში.

და უეცრათ, როცა კადიკს დაბრუნდენ, ერთ მშვენიერ ნათელ, მზიან დილას, ქალს გამოვლიდა მარტოთ, უბეკლოთ, მშობლურ სიხარულის გამოუცდელათ; მისი საყვარელი, რომელსაც მოსჭარბებოდა მასთან ცხოვრება, უკვალოთ გამქრალიყო.

სასოწარკვეთილმა ხელიდან გაავლო საბედისწერო წერილი, რომელიც ამცნობდა მარტოობას: მაგრამ ბედს არ ემდუროდა და გადაწყვიტა აღარ ეცოცხლა.

რაც კი რამ ებადა ღარიბებს დაურიგა, სიცოცხლის განშორების წუთს უეცრათ ეწვია სურვილი—ტკბილი სურვილი—ერთხელ კიდევ ენახა, მხოლოდ ერთხელ ენახა მადონა და ეთქვა უკანასკნელი „მშვიდობით“.

შენანიებულ ცოდვილის ტანისამოსში, გზაზე პურის თხოვით, წაბარბაცდა ის მონასტრისკენ—საჯვარისკენ—და ვერ გაებდა ფეხი შეედგა უცოდველ ქალწულთა საცხოვრებელში. მიდიდა რამდენიმე დღე და ბოლოს ზაფხულის ერთ მომხიბლავ საღამოს. როცა ცა აკიაფებდა მილიონ ვარსკვლავს და ფირუზის ფერი სიმკრთალები მიწაზე ეშვებოდა, ის ათრთოლებული, ძალა მიღებული, მიუახლოვდა ღვთაებრივ ქალწულს.

მას ახსოვდა, რომ ამ დროს მისი ძველი მეგობრები ბრუნდებოდნენ თავთავის საკანში ლოცვისათვის და რომ ეკლესიის გაღაფანში არავინ იქნებოდა, როგორც მის გაპარვის დღეს. ამიტომ მან შეაღო კარები და შეიხედა: არავინ! მხოლოდ იქ, მბჟუტავს სანათის ქვეშ იდგა მადონა.

შევიდა და მუხლებზე მიჩოჩდა ციურ ხატებასთან და ყველა შემბრალებელის სახის წინ ტირილით წაიბუტბუტა:

— ღვთისმშობელო! არა ვარ ღირსი შენი შებრალებისა. მე არ ვიციდი მაშინ, როცა მაცოფრის ხმა მეძახდა, რამდენი ტანჯვა და სირცხვილი-მაგრამ ვაი!--მიწიერი სიყვარული იზიდავს თავისკენ.

სირცხვილო, სირცხვილო! მოვკვდები მშობლიურ სახლიდან და აქედან განდევნილი. ყველა შენი ქალწულნი, წმიდაო დედა, შემფოთლებიან შიშისაგან რა დამინახვენ და გამაგდებენ ამ საჯვარედან. მიწიერ სიტკბოების ძებნაში, დავკარგე ვადარჩენის რწმენა!

* * *

ქალის ჩუმი ცრემლები ეცემოდა ღვთისმშობლის ფეხთით და მადონას მიშტერებული თვალები, თხოვდა შენდობას, როცა უეცრათ მთელი მისი

არსება შეკრთა სიხარულისგან: წმიდა თვალებმა შეხედეს მას, ქანდაკების ტუჩები გაინძრა და ციურმა დედოფალმა ტკბილათ სთქვა:

— ჩემო შვილო, განა შენ დაგავიწყდა? როცა ჩვენ ვშორდებოდით ერთმანეთს, დამიტოვე ზეწარი და გასაღები შენი საკანის. აქ ვმსახურებდი შენს მაგიერ; ამ ზეწარში გადაცმული მე ვასრულებდი შენს საქმეებს. ვერც ერთმა შენმა ამხანაგმა ვერ შეამჩნია შენი წასვლა: დაიბრუნე ისევ უკან, რაც დამიტოვე, დაბრუნდი შენს საკანში და... აღარ წახვიდე აწი...

სკ--ლი.

ტყვე.

შ. ლალიანი.

(გაგრძელება).

12 ივლისს დიდი ფაცა-ფუცი იყო ესტატე მღვდლისას.

ნიკოს დაბადების დღე იყო და წვეულობა ჰქონდა ელისაბედს.

ბევრი იყვნენ წვეულნი.

ჩვენ ნაცნობებს გარდა აქ იყვნენ ახლო-მანლო სოფლიდან მოსული სტუმრები.

სამაზრო დაბიდანაც ჩამოსულიყო მაზრის უფროსი ფონ-ტაუბე და ახალგაზდა გამომძიებელი გრომბნიცკი. აქ იყო აგრეთვე დიდი მებატონე, ძველი, დარბაისელი, ყურთმაჯებიანი კოტე არათურელი და მისი ძმისწული გიეი სიმონიკაც.

ეტატე მღვდლის მომკრო, ცოტა შეფერდებული ეზო, თითქმის მთლად მოფარული იყო ამ სტუმრებით და მათი სხვადასხვა სახის, სხვადასხვა ფერის ტანისამოსი და მორთულობა, როგორც იტყვიან, მართლაც უცხო თაიგულათ შეკონილიყო.

ზაფხულის ცხრა-თვალა მზე კი მეტათ მწვავე სამოსით მოსავდა იქ მყოფთ, მაგრამ ქართველური გულ-ლიობა მასპინძლებისა ღ სტუმართა უღარდელი მხიარულობა თუ სულ არა, მაინც საგრძნობლათ ფანტავდა სიცხის უსიამოვნებას.

ზოგჯერ, ათასში ერთხელ, მთიდან წამოდენილი გრილი ნიავიც გადაურბენდა არე-მარეს და ამითი კიდევ უფრო აცოცხლებდა ამხნევებდა და მეტს ძალას აძლევდა საქეფოთ თავ-მოყრილებს მართლაც და უცილობლათ მოსალხენათ.

უშველებელი სუფრა იშლებოდა კაკლის ძირას.

ეტყობოდა, რომ დღეს საფუძვლიანი, დიჯიდა ხანგრძლივი ნადიმი გაჩაღდებოდა.

მანამდე კი ახალგაზღვრა ჩვეულებისამებრ ყრამულეზდა დარბაისელნი საყველპურო საგნებზე მასლოათობდენ, ორი ჩოხოსანი ერთი მეორეს ნარდში შებმოდენ და აივნის ერთ ყურეში მაზრის უფროსი ფონ-ტაუბე, მასპინძელი ელისაბედი, გამომძიებელი გრომზნიკი და დიდი მებატონე, ყურთმაჯებიანი კოტე არათურღლი პროფერანსით იქცევდენ თავს. მხოლოდ ერთ ალაგას შემდგარიყო პატარა ჯგუფი და ჯმუხ და ჩოფურა ტიტის ცხარეთ ეკამათებოდენ. სანდროც კი ჩარეოდათ ლაპარაკში. მას თითქო დაეძლია თავი სიზარმა ცისათვის.

კამათი სიყვარულზე იყო.

ჯგუფი ცდილობდა ჯერ კიდევ აუხსნელი პრობლემა სიყვარულისა როგორმე ცოტა გაეშუქებინა, მაგრამ რა თქმა უნდა, მათი ბაასი ზერელე იყო.

კამათი მიდიოდა, ჩვეულებისამებრ, ესე ვთქვათ, მთა-გორიანათ, ოღრო ჩოღროთ. ხან მაღალი, ზეაწეული კილო, ხან გავაკებულზე თოხარიკი უკვე მზა-მზარეულ ფრაზებისა.

უმეტესობა კი მაინც გამობდა დღევანდელ შეყვარებას. ამბობდენ, რომ სიყვარული დაიკარგა. ანუ უკეთ რომ ესთქვათ დაიკარგა თავისი სიწმინდე და სიფაქიზერომ დღევანდელი ტრფობა მხოლოდ სქესებრივი აღტყინებაა და სხვა არაფერი.

მხოლოდ იქვე მდგომი ზურაბი იყო ჩუმათ. ის ამ დილიდანვე არ იყო გუნებაზე. იმან ერთხელაც ვერ მოასწრო თიკოსთან თუნდა ერთი წუთით განმარტოვით ყოფნა. თიკოს დღეს თითქო მისთვის არ ეცალა. ის ყველგან იყო და არსად კი. ხან ქალღლის მოთამაშეებთან ჩნდებოდა თიკოს წერწეტა ტანი, სადღეისოთ სულ თეთრებში მორთული და ამითი კიდევ უფრო მიმზიდველი, კიდევ უფრო ჰაეროვანი. ხან მონარდებთან, ხან კაკლის ძირას, სუფრასთან, ხან კიდევ ახალგაზღვრების წრეში და ხანაც უფრო ძვირათ, ზურაბის ჯგუფთან.

— მაინც დღეს რაღაც სულ სხვა ნაირია თიკო. თვალეზი უელვარებენ, ლოყები ცოტა წამოწითლებია და ტუჩები?.. ოჰ, ეს ტუჩები... რათ ღვივიან ეგრე წითლად? რათ იპობიან ეგრე გამოცანურათ? რას უღიმიან? რომელ უცნაურ ბედნიერებას?

მაგრამ მშვიდდება ზურაბი.

— ან რა აქვს ასაშფოთებული? რა ბავშია კიდევ! რა თქმა უნდა, რომ დღეს თიკო ბედნიერია. ახალგაზღვრა, ჯანსაღი, უმწიკვლო. დღეს მისი

დაბადების დღეა. ამდენ სტუმრებს მოუყრიათ თავი მის საზეიმოთ. ახალგაზღვრას კი არა... ვის არ გაახარებს ბედნიერი დღე, პატივისცემა, თავყვანი, სიყვარული. სიყვარული!..

გულს ესალმუნა ზურაბს.

— თიკომ იცის, რომ ზურაბს უყვარს იგი. იცის, იცის... ეს დიდი ხანია ზურაბის თვალეზმა მის წინაშე გამოსთქვა, მისმა ათროლოგებულმა ხელეზმა აგრძნობინა, მისმა უმნიშვნელო, სადა, მარტივმა სიტყვებმა გადაცეს სხვადასხვა დროს. — მუდამ უბრალო იყო მისი საუბარი თიკოსთან, თითქო უშინაარსო, მაგრამ მნიშვნელოვანი კი. — იგრძნო, თიკომაც ამ უბრალო სიტყვების ღრმა საფუძველი და... არაფერი გადაწყვეტით არა თქმულა მათ შორის, მაგრამ, უეჭველია რომ თიკო ზურაბის იქნება. ახლოს არის ეს დღეც. მხოლოდ თამამი ხელის გაწოდება უნდა და ბედნიერება ზურაბის ხელთაა. მაშ რა აწუხებს, რა აშფოთებს დღეს რომ ვერ გაეკარა თიკოს.?. რა ვუყოთ? — თიკო ხომ მაინცდამაინც მასპინძელია, მაშ ხომ სულ ზურაბთან ვერ იქნება! — ხომ ყველგან უნდა იყოს, ყველასთან უნდა გამოიჩინოს თავაზიანობა და ზრდილობა! განა ზურაბს ის არ ეყოფა, რომ ერთი წუთით მოქროლდება მათ ჯგუფთან თიკო და ერთს შენათებს მის ლამაზ თვალეზს. მერე რა გამოხედვია მისი გამოხედვა! მაშ სხვა რაღას ითხოვს დღეს მაინც.

ზურაბი მშვიდდება, მაგრამ უეცრათ გაახსენდება თიკოს დღევანდელი გამოცანური, მეწამული ტუჩები და ეს კვლავ მოუზღვევებს ფიქრთა ჯარს. თუმცა აქავე იქერს თავის თავს: „არა, საშინელი ექვიანები ვართ შეყვარებულები, უბრალო რამ, ხელთ მოუკიდებელი გვალეღვებს!“

— ზურაბ, ზურაბ! თქვენ როგორ გაგვიჩუმდით? აგერ მიმართა ერთმა შუახნის, მაგრამ მოხდენილმა ქერივმა ქალმა. — თქვენისთანა მჭევრ-მეტყველი აქ იყოს და ესე ჩუმათ?

ზურაბი ზრდილობიანათ მისკენ მიბრუნდა.

— რათა? განა არ შეიძლება ზოგჯერ მხოლოდ მსმენელიც ვიყო..

— მაგას სასამართლოებშიაც მოსწყინდა, ბატონო ორატორობა! — იხუმრა ვილაცამ.

ზოგიერთმა გაიცინა

— ზურაბს სიყვარული აჩუმებს! — გასისინდა ქორი ჰაერში, მაგრამ ერთმა ქალა შერეულმა ჩოხოსანმა თავის ბოხის ხმით დაფარა იგი:

— რის სიყვარული! — ბატონებო, წინეთ ხომ სიყვარულით არ ირთავდნენ ერთმანეთს ქალაქნი! უფრო გარიგებით, კარგათ იცით, რომ წარჩინებულ წოდებაში დედ-მამა თავიანთ ბავშვების აკვანს ერთი მეორეს მიუდგამდა და ამით თავდებოდა ყოველივე... ესე შეუღლებულნი ხშირად ბედნიერი იყვენ. ან ჩვენი გოგებოდა აიღეთ. დღესაც გარიგებით ირთვენ ცოლს, მაგრამ განა რამდენია მათში უბედური.?

სწორეთ ამ დროთ ეზოს ფერდობიდან საშინელი კივილი მოისმა და თან ახალგაზღვრების ხმა მალალი სიცილი-კივილი.

ისინი რუსულ „კატა-თავგობია“-ს თამაშობდნენ. თავგობა თიკოს რგებოდა, კატობა თავად სიმონიკა არათურელს.

სიმონიკას თიკოსათვის წელში მაგრათ ხელი ჩაეჭიდა და თვალბ-ანთებული ცოტათი გადახეჭილს, თმბ-აწეწილს და მართლაც შიშისაგან ათრთლებულ თიკოს ტანს ჩახურკმოდა.

კივილზე ყველამ თავი მათკენ მიიბრუნა. ზოგს გაკვირვება წაეწერა სახეზე, ზოგს სიცილი მოერია და ზოგსაც, მამაკაცებში, სამსუნაგო ელფერი დაედვა. ზოგიერთი ქალები კი ტუჩ-ამრეზით შეხედნენ ამ სცენას.

ზურაბმაც მიიხედა მათკენ.

აფართხალებული კივოდა თიკო და ახალგაზღვრება კი სიცილს აყრიდა, ბოლოს, როგორც იყო, გამოუსხლტა მარდ კატის კლანჭებს და როგორც კი თავი გაინთავისუფლა, ეხლა თვითონ მოართო მხიარული სიცილი.

ზურაბს არ მოეწონა ეს ამბავი.

— რა მოუვიდა დღეს თიკოს? სრულიად აღარა გავს თავის თავს! თიკო დინჯი, თიკო ამაყი სად გადიკარგა? ან მისი დედოფლური მიხვრა-მოხვრა, მისი შეუვალი ბრგვე ტანადობა რათ არის დღეს ასე მოქნილი, ასე ჩვეულებრივი, ასე მდაბიო ქალური.?

გულს უკბინა რალაცამ.

— ბედნიერი ვიქნები კი მაგასთან.?. ნუ თუ ამ ქალშიაც არის ისეთი მხარეები, რომელსაც მე ვერ ვიციანბ?..

სულ გამოშტერდა ზურაბი და უძრავ ქანდაკებასავით გაშეშდა.

ესტატე მღვდლის ცოლი კიბიდან ჩამოდიოდა. დღეს უფრო მოხდენილი სჩანდა რალაც გაფარფაშებულ კაბაში, მხოლოდ მისი მწვეტიანი ცხვირი მაინც ვერ დაემალა.

თიკოს კივილზე ის სიჩქარით მიიჭრა თიკოსთან და ბოროტათ აგზნებულ თვალებით ახედ-დახედდა.

— რა იყო, ქალო, რა გაკივლებს?! — აქაურობა აიკელი.

თიკომ მიატივა სიცილი, ერთი კი ზიზლით შეხედა და თავისებურის დინჯის და მსუბუქის ნაბიჯით, სრულიად დამშვიდებულის სახით აივინისკენ გასწია.

ესტატე-მღვდლის ცოლი მობრუნდა და გაშეშებული ზურაბი დაინახა. მსწრაფლად თავი მოიკატუნა და თითქო რამეზე ბოდიშს იხდისო, ისეთის კილოთი მიმართა:

— ღმერთო მომკალი!.. რა ფერი გაძვეს, გენაცვალე, ზურაბ!

მაგრამ ზურაბს თვალბები უკვე უბრწყინდებოდა, მისი ახალგაზდა, ბავშურათ შექმუნული შუბლი თანდათან გაიშალა და სახეზე ღიმილა დაქროლა: მან დაინახა აივინისკენ მიმავალი ძველებური თიკო, მისი დედოფალი, მისი ღმერთი...

ესტატე — მღვდლის მეუღლემ შეატყო სამხიარულო გუნება ზურაბს და თვითონაც სიცილით, მხოლოდ რალაც შემპარავის კილოთი უთხრა:

— რა გიქი რამ არის ეს ჩვენი თავადი სიმონიკა!..

ზურაბი ეხლა მოვიდა გონს. ეხლა შეამჩნია, რომ მისთან „ფოფოლია“ იყო. არ იამა ამ ტანზე ჩასქელებულისა და პირზე წამწვეტებულ დედაკაცის ესეთი გესლ-წყარბილი მოფერება. ერთი უაზროთ გაუღიმა და ზრდილობიანათ ჩამოშორდა.

ესტატე მღვდელი კი უკვე სუფრაზე იწვევდა სტუმრებს.

ყურთმაჯებიანმა თავადმა ელისაბედი წაიყვანა. ეს ჭარმაგი მოხუცი ჯერ კიდევ კოხტობდა. ელისაბედის ყურთან დახრილი ფეციებოდა, რომ დღეს ერთი კიდევ უნდა გავიხსენო ახალგაზღვრებო. სათნო სახის ელისაბედი მარილიანად უცინოდა თავადს, მხოლოდ იმ გამომეტყველებით, როგორც მოყვარული დედა თავის ცელქ შვილს ზოგიერთ ცელქობას აპატიებს ხოლმე.

ფონ-ტაუბეს შუა-ხნის მოხდენილი კვრივი ქალი ერგო.

გამოიძიებელ გრომნიცკის ესტატე მღვდლის ცოლი აეტორლილა. ახალგაზდა გამომძიებელმა ერ-

თი უსიამოვნოთ გახედა, მაგრამ, როდესაც კარგათ ჩაათვალიერა „ფოფოდის“ მკვრივი ტანი, „ничего, опетитная грузинка-ო გაიფიქრა... Вирочемъ, страшно на жидовку похожа...“ (არა უშავს-რა, მადიანი ქართველი ქალია... თუმცა ურიის ქალს საშინლად გავსო).

გამწკრივდნენ სტუმრები.

ხელი-ხელ გაყრილნი საზეიმოთ მიმავალსა გვანდნენ. ახალგაზღობა ჯერ კიდევ არეულათ იყო გაშლილი სუფრის გარშემო და ეზოში.

თავადი სიმონიკა მივარდა თიკოს:

—თიკო ელისბაროვნა, მე თქვენთან!..

თიკომ გაღიმებული თვალებით შეხედა, მაგრამ არ უთხრა-რა.

—Или вы уже ангажированы? (ან შეიძლება იკვე მიწვეული ხართ?)

—არა, არა, НЕТ? — აჩქარებით დაუკრა რუსული ბეჭედი თიკომ თითქოს შეშინდა სიმონიკა არ ჩამომშორდესო.

სიმონიკას არ გამოპარვია ეს აჩქარება და ვინ იცის რა სურვილებმა არ იფეთქა ახალგაზდა თავადის თავში.

დაჯდომას იგვიანებდა ახალგაზღობა. ზოგს ამა-სთან უნდოდა, ზოგს იმასთან. მხოლოდ ზოგს ვერ გაებდნა, ზოგიერთვისაც ვინც არ უნდოდა იმას ეთხოვნა და ზრდილობით მას წაჰყოლოდა.

მხოლოდ ზურაბი იდგა მარტოკა.

ეს შეამჩნია ესტატე-მღვდლის ცოლმა, ბოდინი მოიხადა მის კავალერთან და მსწრაფლად ზურაბისკენ გაექანა.

— ზურაბ, როგორ მარტო დგებართ!.. გასწითდა წაიყვანეთ თიკო.

—არა, ბატონო, ჩემთვის ნუ სწუხდებით...

—როგორ თუ ვწუხდები. უსათუოდ თიკოსთან უნდა იჯდეთ დღეს... როგორ შეიძლება... ის კი არა ჩვენ გვინდა დღეს გამოვაცხადოთ თქვენი...

მაგრამ ზურაბმა აღარ დაათვაუბინა. ის მიხვდა რაც უნდა ეთქვა დიასახლისს, საჩქაროთ ხელი სტაცა და შეაჩერა.

—არ, ღვთის გულისათვის... ეგ არ ჩაიდინოთ... როგორ იქნება...

...ჰა, ჰა,!.. გაიცინა „ფოფოდის“.

—კარგი, არ ვიტყვი, მხოლოდ თიკოსთან კი მაინც უნდა დაჯდეთ... დამაცა, ერთი თიკოს უთხრა...

ზურაბს უნდოდა შეეკავებინა, მაგრამ „ფოფოდი“ სწრაფათ ჩამოშორდა და თიკოსთან გაჩნდა.

—თიკო. არა გრცხვენინან, ზურაბი მარტო დაგიტოვებია... სწუხს საწყალი კაცი... წადი ეხლა და ერთად დასხედით.

თიკომ ველარ მოითმინა.

—თქვენ რა გესაქმებათ, ძალუა, ვისთანაც დავეჯდები!..

„ფოფადიმა“ იფეთქა

—როგორ თუ რა მესაქმება! შენი ურიგო საქციელი მასაქმებს.. მთელი დღეა შენი საქმრო მიგიტოვებია და ამ გიე თავადს ატორლიალებიხარ...

— ვინ საქმრო?.. რეებს ლაპარაკობთ?!

— მე შენთვის მითქვამს კუყიანათ იყავ, თორემ ფებს წამატერევ... თიკო მთლად ანთო, მაგრამ თავი შეიკავა, უცბათ ზურგი შეუქცია „ფოფოდის“ და ზურაბისაკენ წავიდა.

„ფოფოდის“ ბუტბუტით და კაბის შრიალით წავიდა თავის კვალრისკენ.

—ზურაბ, თქვენ ძალიან გეწყინებათ, რომ დღეს თქვენთან არ დავეჯდე? — შეეკითხა თიკო დაღვრემილათ მდგარ ზურაბს.

ზურაბის შუბლს კიდევ მეტი შავი ღრუბელი გადაეფარა.

არა, ვინ მოგახსენათ!.. უპასუხა მან ხმა-შერყევით.

—ჩვენ ხომ ჩეგობრები ვართ!.. გამომეტყველებით ჩახედა თიკომ ზურაბს თვალგზით.

ზურაბი კვლავ მოინათლა. ეს თვალგზით მართალი იყვენ. ამ თვალგზით უთოდ უყვარდათ ზურაბი.

თიკომ ხელი გაუწოდა ზურაბს. იმანაც ჩამოართვა. მგრძობიარე ბევრის მეტყველი იყო ორივესთვის ეს ხელის ჩამორთმევა.

ცოტა ხნის შემდეგ თიკო და თავადი სიმონიკა სუფრის შუა-ალაგს მხიარულად ისხდნენ.

ზურაბი სუფრის ბოლოს იასონსა და ციფალუქთან მოხვდა.

სხვებიც ჩამოჯდნენ.

მაგრამ აი მოვიდა ესტატე მღვდელი.

„მამაო ჩვენო, რომელი ხარ ცათა შინა...“ დაიწყო მან თავისი ლმობიერი ხმით.

ყველანი წამოიშალნენ.

საზეიმო იყო ამ დროს სუფრა. ოთხმოცამდე ქალი და კაცი საზაფხულოთ თეთრსა და ღია-ფერებში მორთული, ფართოთ გაშლილ კაკლის ძირას მღუმარე იდგა და ძველ-კილოვნების ნაშთს, რელიგურ აქტს ასრულებდა.

„რამეთუ შენი არს სუფევა, ძალა და დიდება...“ უფრო თამამათ გაისმოდა გარინდულ არე-მარეში

ნ 873 / 2
1913

ესტატე მღვდლის ხმა.

მხოლოდ, რა თქმა უნდა, აქ არ იყო პირველ საუკუნეთა ქრისტიანების ექსტაზი, ზეციური აღფთოვანება. აქ მხოლოდ ძალა-უნებური მორჩილებით მღვდარობდნენ სტუმრები. ზოგს ირონიული ღიმი დაკრთოდა სახეზე, ზოგი თავის თავს ჩაღრმავებოდა, ზოგი თვალს ავლებდა ამ უცხო კრებულს, ზოგიც ფართოთ გაშლილ, ბიბლიურ სახეს ესტატე მღვდლისასა შესჩერებოდა.

„ღმერთო, აკურთხე სახლი, საქმელი“... გაისმა უკანასკნელი წართქმა მღვდლისა და კვლავ ყველანი ახმაურდნენ.

სანდრო ფიქრობდა:

— ეხლა რომ ერთი, მძლავრი, მიმღები მანქანა მომცა გრამოფონისა, სულ ჩაეწერი ამ ხმათა და ბგერათა სხვადსხვაობას, რომ შემდეგში უფრო კარგათ გამერჩია ხასიათი და მიმართულება, რიტმი ამდენ ადამიანთა ხმის აღმოტყვევებისა. თორემ ეხლა კარგათ ვერ ვარჩევ; თვით მე მოქმედ პირათ ურევივარ ამ ჟრიაშულში და კარგათ ვერ გამომიწვლილავს. გრამოფონზე გადაღებული კი ჩემთვის მოშორებულია, განყუნებული და ამიტომაც მეტის ობიექტობით შემიძლია მისი შესწავლა, დაკვირვება... ჰა, ჰა! ამაში უნდა იყვეს კიდევ საზოგადოთ ხელოვნების მიმზიდველობის საიდუმლოც: თეატრი, ქანდაკი, სურათი, წიგნი... შორით განცდა... აი აქ — ჟურტულეებენ ქალები, ვაჟები ბოხისხმაობენ, ზოგი ფართოთ იცინის, ზოგი წვრილათ კისკისებს, ზოგი ნალვლიანათ ლულულუღებს, ზოგი გაბმით მონოტონურათ ზიდავს ხმას. ყველა ეს და სხვაც ჩემგან ეხლა შეუმჩნეველი, დაუქრველი ბგერა-კილოვნება ერთათ შეთხუზულია და წარმოშობს რაღაც უცნაურს ერთეულს მუსიკისას, რიტმისას... საყურადღებოა ამის შესწავლა. დიად, გრამოფონი თუ ფონოგრაფი უნდა ამას; ან და ემილ ზოლას დიდი ბეწვის კალამი, რომ ეს დიდი სურათი ხალხთა შეეგუფვისა მხატვრული სინამდვილით გადმოგვცეს:..

ნადიმი უკვე დაიწყო.

თამადათ არჩეული, ყურთმაყებიანი თავადი კოტე ღირსეულათ შეუდგა თავის თანამდებობის ასრულებას.

პირველი სადღეგრძელო კოხტა. ვერცხლის აზარფეშით თიკოსი დაილია.

კოტე თავისებურათ მკვერ-მეტყველი, მახვილი აცი იყო და ჯადრკულის სიტყვათა კონით ადღე-

გრძელა ფეხზე წამოდგარი, თვალბ-აციმიმებული, ლოყა შეწითლებული თიკო;

„მიწად ფეხი არ აკადრა, ვინაშენი სულ ღრუბლებში ალივლივა...“

მედულუკეებმა დაჰკრეს ტუში შემდეგ გაისმა ტკბილი, დინჯი და მდორე კახური მრავალყამიერ.

წამოღვა ფონი-ტაუბე.

Бриллиантовая барышня, краса алмазной Грузии... (ბრლიანტა ქალიშვილო, მშვენებავ ალმას საქართველოსი).

„რუჩისტი“ იყო მაზრის უფროსი და ხშირად უყვარდა „პატიოსან თვალთა“ ხსენება.

სანდრომ ერთი მიაძახა კიდევ:

— მოგვწყინდა მინერალოგია, ერთი ბატანიკი-დანაც გვითხარით რამეო. მაგრამ საერთო ხრიალში მისი შენიშვნა აღარავის გაუგონია.

მხოლოდ გულით გაეცინა მის მარჯვენა მხარეზე მქდომ პაწია, ჩარგვალეზულ, ახალგაზდა მაკოს-სანდრომ მისკენ მიიხედა და სიამოვნებით მხოლოდ ეხლა შენიშნა, რომ კოხტა მეზობელთან მქდარა.

— რა ვაციებთ? — შეეკითხა სანდრო.

— Какой вы душка, ей Богу!

(რაკარგი რამა ხართ. სულიკო! ღმერთმანი!)

— ჰა, ჰა! — გაეცინა სანდროსაც. მან ხარბათ ჩახედა კარგა ფართოთ მოღიავეზულ მეზობლის პაწია თეთრგულ-მკერდს რომელიც სწრაფად აღიოდა და ჩამოდიოდა, აღიოდა და ჩამოდიოდა.

— რა გქვიანთ?

— მაკო.

— მაკო?

— მაკო. — შეეუყუნებდნენ სანდროს მანია, მკურცხლი, ლურჯი თვალეზი.

სანდროს ვახსენდა ყაზბეგის ექსპრესია: „ორივ კარგი ქალი არის.“

ნატოცა და მაკოცაო,

ტუჩი ვედარ მოაშორა,

ვინც რომ ერთხელ აკოცაო!“

„მაკოცა, მაკოცაო!“ დაფრთქილებდა ეს სიტყვა მისი შეგნების გაღიაში. არ ეშვებოდა, გაუფიქრებლად წამოცდა კიდევ ხმა-მალლა.

Что, что вы сказали? (რა, რა სთქვი?) — შეთრფინვით ეკითხებოდა მაკო.

— მაკო, (ეს მე ვეძახით), ცაო, (ეს მე ვეძახი).

ერთად: მაკო! ცაო! მაკოცაო!

— ჰა, ჰა, ჰა! Какой вы душка, ей Богу.



მ. ც. ც. ც.